

潮陽縣誌

胡公本題



潮陽縣志翻印序

縣之志一邑文獻之所繫也疆域之沿革賦役之利弊政治之隆污風俗之良窳物產之豐嗇人文之盛衰於此稽焉其綜覈詳採擇精筆削嚴體裁當者尤爲世重蓋作者秉遺直於寸毫讀者自凜衮鉞於一字也潮陽縣志向稱完美自前清光緒壬午年間邑侯周恆重重修以來闕未續者歷數十年矣滄桑變化舊版滅亡志書之遺存於民間者不啻鳳毛麟角自倭寇憑陵縣城淪陷烽煙四起蒼生流離民間珍藏者至此亦散失殆盡民國三十年秋公木奉檄來守是邦抗建事劇賦役政繁志書雖重續修未遑迨奉省憲電令徵集催辦至再而國內最高學術機關爲探究此邦文物振作當代人心箋函訪索情詞懇切於是竭力搜羅幸獲一帙急予翻印以赴事功至於續修體大爲求簡而易行則採納碩儒獻議另輯補志亦經訂定綱目檄屬徵訪以期覈實彙編務期成爲信史庶幾文

潮陽縣志

卷首 序

一

獻不墜前緒孔彰斯固上級長官與海內賢達所樂觀厥成者也

中華民國三十一年壬午秋八月潮陽縣縣長胡公木序於鶴洋公廨



翻印潮陽縣志序

縣志一縣之史也吾邑之有縣志蓋自明永樂始鄭伯集爲之序謂類編成書貢於天府而存其稿於有司執事者用鋟諸梓以廣其傳至景泰間曾爲捐益而書成但存其稿成化十四年邑令吳穀出天順五年官采志書遺稿一帙延鍾仕傑爲加攷訂仕傑迺旁求舊志以補其全質證增刪復於各目之下加小序將鋟梓以傳而未果宏治戊申春邑令王鑾求之僅于其家得殘稿數帙矣時張注等受任修志而以志書素無刊版爲言不知永樂時亦將刊版而未果歟抑注等陋未之見歟注等所修志爲卷有八爲目有五十焉書成王鑾命工鋟梓以傳然周恒重重修縣志時亦未之見也恒重所見縣志惟明隆慶間林志及清康熙間臧志與嘉慶間唐志而已

明黃一寵稱石洲林井丹惜紀載之闕陋慨然總修志之事五月而稿成

潮陽縣志

卷首 序

一

首著圖經分野形勝係焉爲紀二爲表三爲志五爲傳六十有一而終之文辭上下三千載間搜輯靡遺其體裁略倣古編年之法自成一家人不類時作可謂吾邑良史矣故其後雖有臧志唐志之作與之前後各殊詳畧互異仍不爲所掩流傳至清光緒間搢紳猶推爲文章品望可以砥中流排悠謬惜乎其後之修志者不能尊爲前志而續之以竝刊行也至今林志臧志唐志皆不可得見矣尋常得見蓋惟清光緒間周恒重所重修之志恒重自言搜之故家得省志一府志二縣志三而所重修之志首遵省志次依府志互證以邑舊三志繁者刪之缺者補之疑者闕之信者徵之閱二十二月始告成共凡例一十八條分類二十二卷其襲舊志之記載以毀前人之成書正如章實齋所謂充其義類將班書旣出史記卽付祖龍歐宋成書舊唐遂可覆瓿者此吾邑修志者之通病非惟恒重爲然也今縣長胡君公木奉命於山河殘缺之際以士紳所藏縣志散失殆盡恐

一縣紀載年久湮滅擬從事翻印爲重修縣志之先聲而徵序於余余竊以吾邑數十年來文物之盛人才之衆逾越往昔且吾黨以縣爲自治單位縣之比重實增一縣之史不可不修也久矣來者縣史蓋宜留意於政治經濟之演進民權民生之建設人物列傳亦將非惟循吏儒林之屬而科學家實業家尤居要焉然非可以新志而掩沒舊志也仍當爲舊志之續耳胡縣長有志於新志而未逮先從事於舊志之翻印以維護文獻其功績視襲舊志之記載而毀前人之成書者豈有遜色哉故余歷述吾邑舊志修纂與傳世之概畧及期望於新志之續修而負一時代之責任焉是爲序

中華民國三十一年秋 國民政府監察院監察委員兼特派廣東廣西

監察區監察使邑人劉侯武撰



翻印潮陽縣志題序

吾潮陽縣志自前清光緒間邑侯周恆重重修以來距今五十餘年矣此五十餘年中政教有沿革文化有盛衰與夫禮俗之損益物產之興耗及其他日殊月異而歲不同者幾難指數不有記載以示後人則徵文考獻不無杞宋之歡故六七年前縣參議會前後開會議決重修請准某縣長定期施行矣旋因經費難籌以致未能開局嗣後時局危急人心艱危不寧茲事遂無復有道及者夫因經費難籌以致未能開局猶有可解者曰有待然舊板盡廢舊志寡存自時厥後萬一並此舊志而消滅之後之人縱欲從事編輯無所依據安能憑虛而撰乎現縣長胡公慮及於此所以有翻印之舉也昔朱文公出守南康始至而先問郡志君子謂其知所先務今胡公下車不過數月防縣志之散失亦可謂知所先務惜乎縣城淪陷人與財均難集中從事翻印徒爲修志地耳誠使縣城早得克復胡公

潮陽縣志

卷首 序

四

又久於其任庶幾開局重修克底於成斯誠潮陽之厚幸也跂予望之矣

郭 經



海濱鄒魯是曰潮陽
流風未沫文獻重光
先民桀矧如見羹牆
致治有道寶此縹緗

劉倬武為翻印縣志敬題



徵文考獻以通今古三才
合璧洵美此上

潮陽重印縣志縣長胡君
公木請題辭作此歸之且促其
新志之速成也

民國三十有一年抗戰第五周年
紀念日李漢魂題



文苑通編

李福海題



潮陽縣志重輯出版

潮陽文獻

何彤



文獻足徵

黃麟書題



潮陽縣誌重刊紀念

地方紀實

李郁焜題



潮陽縣志重梓成
縣尊胡公令頌詞曰
日史日志騰褒載駁鑑戒
汝茲吾邑志之重刊待補
胡公之意乎為斯

范家駒題



潮陽縣誌翻印紀念

以古為鑑

林漢三題



邑志再版紀念

文獻足徵

林煥然



舊乘修漫壬午年
版重鑄書成戎丁
畱待它時再續編
典籍論亡半化塵
劫餘文所益堪珍
河山指顧妖氛熄
更有光明耀海濱

公木縣長重築邑志告成謹題

二絕 馬隲卿初稿



邑志自前清壬午年重修迄今閱數十
年矣洎知治海隘不特藏本散失且版亦存
今鮮長

胡公亦先生慈焉憂之爰捐廉照原本刊印俾
先年久湮沒誠保存邑乘之福音也工巖

文獻重光

廣徵題詞予重

胡公之見義勇為率假四言以志仰心後之宰斯
土者儻亦竇以觀感而擴大共興茲次時國
曆壬午仲夏識於和平溥智代用中心學校之耳舍

邑人馬常龍謹題



重刊潮陽縣志題詞

邑志徵文獻昭垂汗簡傳
輜軒終可採鉅典永無愆
散佚堪新鑿蒐羅續舊編
重修應有備豈讓昔人賢

若豪周一士



重修潮陽縣志序

潮陽縣志之不修於今六十餘年矣始辛巳夏秋間聯桂綰郡符於潮與前觀察子良剛公鹽運分司柳橋方公暨諸縣長議修郡志捐廉爲之倡設局郡城延二三名宿主其事嗣聯桂承恩命觀察惠潮嘉道調署廣東督糧道任去繼守潮者海鹽少虞朱君也既以爲郡志之修必本縣志爲依據今各縣志大半失修者久曷所取徵郡志費不給且緩其役檄諸縣先具縣志稿於時固軒周君宰潮陽延邑紳之能文者爲纂修潮陽志之舉踰年志稿甫成周君調任去潮陽聯桂回惠潮嘉道任復來潮者期歲矣周君呈新志請聯桂一言聯桂念各縣同時承修邑志之檄而潮陽志獨能先具稿則周君之勤於事可知周君治任將去而尚拳拳於潮陽志之役以弁言相敦促則周君之信於民可知在昔潮之爲縣負山濱海雄悍甲他邑物衆地大不免牙蘗之萌生若近時方照軒軍門所辦沙隴鄉諸案炯戒昭昭耳目間唏其閔矣邇者聖教涵濡

德威遐播刀劍之佩化爲牛犢椎魯之俗澤以詩書潮邑之人彬彬乎海濱鄒魯焉固一轉移間耳昔孔子驅車至衛冉氏子商治民之策既庶之後曰富之既富之後曰教之嶺南諸郡邑得天地溫厚之氣故戶口滋豐據山海官府之區故財產充阜不庶不富非所患患無以教民耳然則道齊之要軌物之納移風易俗之機使化理蒸蒸日上者非良有司之責乎風俗厚薄世代不同藍鹿洲所云以此覘官吏牖民之誠否以此覘良莠變化之難易胥於縣志覘之是則聯桂所深望於有司牧之權者矣若夫山海之險隘兵防之修舉古今異宜水陸異用尤於此日先務之急一理事則群蒙其福一事不理則衆受其禍良有司下車求治攬轡而志澄清者當必識所講求以善任一邑之保障固無待聯桂之多言也夫

光緒十年九秋吉日

誥授中議大夫花翎鹽運使銜廣東分巡惠潮嘉等處地方兵備道兼管水利驛務隨帶加六級紀錄十四次江都張聯桂謹序

重修潮陽縣志序

潮陽縣志

卷首 張序 朱序 自序

潮濱大海控制粵洋東路而潮陽與海揭並稱三陽寔爲瀕海劇邑海門達濠城堡相望獅山當其衝扼要備禦方今尤亟亟願規度形勢建置斥堠水陸驍勇星羅綦布非攷諸志乘以今證昔曷以得要領潮陽縣志自前令豫章唐君纂修後迄今已逾甲子時異勢殊凡天文地輿之屬人才物產之機以及政事風化之損益得失墨守舊乘又奚以措正施行然未有謀所以續輯之者歲在壬午余由海南移守是郡先是今 觀察江都張公典郡事承前觀察今滇方伯長白剛公檄修郡志開局編纂一時搢紳先生授餐適館珥筆從事迨歲餘書弗成則以屬邑志久不修又其長吏踐更頻煩簿書期會之不遑奚暇治此猶築室然基構未立棟宇曷施用是濡遲歲月而未由底於成也予受事以欲修郡志必自修邑志始謀諸屬僚俾各籌金設局延紳採訪次第修輯年餘潮陽縣志先成邑令黃陂周君請序於予閱新志體例以儀徵阮氏通志爲宗掇拾諸志補綴近事凡爲卷二十有二原原本本允稱賅備曩余守珠崖周君方令徐闡述職事至瓊時相過從夙耳循績至是棉陽之民亦翕然頌神君不衰以故荐卓異者再此三年政成已擢任欽州牧而去余因此書之成益知君之留意於疆里扼塞風俗盛衰將以一方紀載備

盛世輶軒之採不徒治行卓越爲此邦人士繫去思而已余故樂爲之序而具述修志之顛末成書之艱難以稔他邑之從事於此者皆

光緒十年歲在甲申季秋之月知潮州府事海鹽朱丙壽撰

重修潮陽縣志序

聖天子大一統車書史臣珥筆雍容銜華佩實下至直省府州縣莫不延訪績學多能之士隨時掇輯以備輶軒使者之採况潮陽爲嶺東劇邑凡天文地輿之所屬人才物產之所聚經政之所繫風化之所蒸炳炳麟麟久成一方紀載矣壬午秋余奉調承乏是邑撫字之餘披閱舊乘方毅然思有所補輯而 觀察江都張公 典郡海鹽朱公檄適下蓋前令晏君賜書嘗疊奉今大方伯長白剛公命續修有志焉而未逮者也於是謀之搢紳屬所以纂修之僉曰志自豫章唐公鉤校至今且逾甲子考其時則可矣惜未有文章品望可以砥中流排悠謬如邑先輩林井丹先生者從事其難哉余慨然曰此有司責也諸君子其又奚辭爰搜諸故家得通志一則

國朝協揆阮文達公所總裁者府志二則輯自太尊蕭山胡公長沙周公邑志三則故明林提學所撰及前令海甯臧君去此六十六年之唐君所修余彙而讀之實有前後各殊詳略互異而所爲人物總論且有微詞乃信難之一言不我欺哉然而石韞玉而山輝非砒砢所能亂也水懷珠而川媚非魚目所能混也潮陽素號名區英賢輩出彪炳於省郡志書者代不乏人今者首遵通志次依府志互證以邑舊三志徵文考獻之大凡具矣踵事而增則後來者之責也計自壬午冬開局於培元堂採訪若而月編輯若而月纂者刪之缺者補之疑者闕之信者徵之閱二十二月始告成共凡例一十八條分類二十二卷余於是覽之欣然曰自古迄今史有得失巨刃摩天斯稱手筆茲區區之海隅豈易言乎作述乃諸志折衷類若畫一有辨謬而訂訛無聲牙而屈詰雖未必擇精語詳庶幾哉上省郡備輜軒罔一之或有佚時收掌者貳尹白君春海總纂者城南山長嘉應張君其翮分纂者太史鄭君邦任孝廉王君大勳黃君庭經廣文鄭君錫三鄭君蘭棻明經趙君鵬翼姚君廷標編次者邑學博梁君國士吳君爾康孝廉方正陳君炳然分校則弟子員陳生鍾麒蕭生雲龍鄭生安清而考據諸書始終以底於成則登拔萃科之鄭君安淮若夫決去取排悠謬以期無負

聖朝之崇實黜華及 列憲訓示者是則余之自爲也例得備書

光緒十年歲在甲申季夏知潮陽縣事新授欽州知州楚北周恆重序

永樂十七年縣志序

明長史鄭義邑人

郡邑之有志猶國之有史也有之則建置沿革山川形勢風俗人物名勝古蹟瞭然在目纖悉不遺誠不可無也潮陽濱海甲邑俗尚禮教人習詩書藹然鄒魯之風炳今耀古第以圖志附於三陽郡志之一其所登載弗克備舉覽之悵然恭惟聖朝混一寰宇而輿地之著於經史子集者尚未登諸館局以仰裨乙夜之光遂勅內臣分行天下頒降凡例監督郡邑纂修志書要在詳悉以成一代之令典於是縣尹連江陳時可貳尹莆田陳名高判簿藤江祝醬典慕如皋鄧如真遵行惟謹延禮儒紳教諭甯化張壽鄉之耆碩曾傳趙瑞文士許定理謝榮旁搜博采考古證今其名勝古蹟向之失於收輯者茲得按而錄之惟境內人物若文人才子義夫節婦凡有關於教化之類多存名失實世遠人亡可勝痛哉然僅有可據者因得撰次列傳類編成書貢於天府而存其稿於有司執

潮陽縣志

卷首 自序 舊序

一一

事者用錫諸梓以廣其傳屬予序之予謂郡邑之志行史述之流於遠也其風氣之美與治化並隆者固無所增損矣若風俗益淳於前而人文日興於後又能緝績而光大之則斯志與地望始將同垂於不朽也予復何言

景泰六年縣志序

明訓導李德都昌人

予嘗讀詩有曰普天之下莫非王土率土之濱莫非王臣蓋土曰王土則尺土莫非王有也臣曰王臣則一民亦莫非王有也曰土曰民既爲王所有矣而王欲遍歷天下足蹈目覽不其難乎此郡邑之志不容不修皇上欲備觀覽其可緩於是乎歲在甲戌秋皇上謂御極以來禮樂明備文教誕敷和氣充塞天地自位萬物自育山川之勝風俗之美人物之盛宮室之雄偉道德文章之光華不獨京畿爲然而天下亦莫不然且近而可見者京畿也遠而難見者天下也於是勅大臣遴選進士文學之優者分歷各處採錄事實編集成書以進於朝時潮陽大尹何公晟貳尹湯公垣幕侯李君居振延禮邑庠掌教尹公克贊貳教曾公杭儒士林永熙林子儀莊呈龜同予若干人於塔堂內一遵欽降凡例朝夕纂修旁求舊志參互考訂失於簡者則益之過於煩者則損之其益之損之務求合乎至當之論有其實則收之無其實則去之其取之去之豈有一毫容私於其間哉是書旣成存其稿以俟將來僉謂予宜序予謂地志之修亦朝廷之盛典也皇上萬幾之暇一覽是書則見吾潮陽山川風俗人物宮室道德文章有超於嶺南之列郡而況他邑之小乎由是則知潮陽名雖爲邑而其事蹟之盛則爲嶺南之冠原其所以然者雖曰岳瀆扶輿之所鍾實亦基於聖朝德化之所及也是爲序

成化十四年縣志序

明教授鍾仕傑邑人

郡邑之志所以紀其方土所有也蓋自建置之沿革分野之隸屬風俗氣候之異同疆域至到之近遠山川之形勝學校之廢興人物科貢之名土產賦稅之數城廓宮室之壯麗禮樂文章之制作靡不具載此書若成周職方氏掌天下之圖籍秦之圖書漢班固之地理志唐祝穆之方輿勝覽皆是也潮陽爲邑隸於潮郡自唐吏部侍郎韓公刺潮人被詩書禮樂之化文風士習與中州齒號稱海濱鄒魯至入國朝聖化之所漸被益深故風俗益淳文物益盛視昔有加非有志以登載之後將焉考成化丙申春閩之莆陽吳侯穀由名進士來宰斯邑下車僅踰年政通人和大事興舉公餘復以纂修志書爲事以庶務叢雜弗克果就適仕傑邇以乞歸優老在家一旦乃出

天順五年朝廷遣官所采志書遺稿一帙屬予爲加考訂並補闕遺續其方來以備來曰修採之用顧予衰拙奚克堪哉然辭弗獲命迺旁求舊志以補其全質金石之刻以正其誤詢儒宿之言以證其實廣耳目之所及以詳其事損其重複增其缺略刪其不宜書述其所當書復於各目之下僭加小序以潤色之三閱月而始成復與吳侯商榷之檢閱既久將捐俸銀梓以傳謂予宜序諸後予惟紫陽朱子出守南康始至而先問郡志君子謂其知所先務也今侯之首政輒先及此使一邑之名物有紀而先後之文獻足徵亦可謂知所先務者矣來曰移此心以佐理天下必能以當務爲急而善政善教之所及益廣豈特治邑云乎哉

宏治二年縣志序

明邑令王鑾全州人

成化丁未春予筮仕潮陽拜辭大宗伯瓊臺邱先生乃誨予曰道有升降政由俗革善治者必洞達其邑之故典民之習尙然後政可施化可行也矧潮陽爲邑地大民庶政繁訟劇素爲難治彈乃心力俟爾以成余時再拜辭別謹佩斯言深慮罔堪粵自蒞官以來夙夜祇懼以圖報稱凡暇則旁詢邑志於士夫耆德欲一閱以考故典以觀民俗以察民瘼僉曰自古逮今未有成書刊行於時鬱然不悅者數月越明年戊申春乃於邑故教授鍾仕傑家購出殘稿數帙蓋教授君亦嘗欲纂輯品第意必力有不逮而未成書也嗟夫海濱鄒魯先正舊稱而潮陽居首邑志不書誠爲缺典尹茲邑者甯無愧耶因謀諸邑庠貳教先生姑蘇張注鄉進士劉君寅儒士戴君罔以纂修之咸退託不決而庠生劉權贊之曰茲惟勝事不可辭也於是延禮庠宮之名宦祠纂修編錄若草創若修飾若潤色悉有其人矣余每於公餘輒往討論其間其化則昌黎文公之舊其事則政教禮樂其賦則服色器用其文則騷人學士若夫筆之削之則主之三君子余罔攸兼也由是次簡編正訛謬斂新摘舊芟繁補畧不必汗牛充棟而潮陽之封域山川風俗人物貢賦科第義行文章備登具載炳炳可觀所謂因俗之政庶幾於萬一矣噫潮陽地極東南濱海瀕山昌黎過化極於富庶蕃衍衣冠禮樂超越於前若是則我國家文運之盛德教之被誠駕二帝超三王矣書成諸君子欲予爲之序並錄諸梓以行予欲無言則大宗伯之誨託諸空言矣故書之將使來者有考於萬古庶傳於今日甯無快乎

宏治二年縣志後序

明訓導張注崑山人

潮陽縣志

卷首 舊序

三

古者列國皆有史漢有輿地圖唐有十道圖宋有寰宇記所以記國事也後世郡邑有志卽古列國史書之類也國非史無以記國事郡邑非志又何以記郡邑之事乎哉潮陽古稱海濱鄒魯衣冠文物之盛山川形勢之佳爲潮之甲邑惜乎志書素無刊版以紀其盛誠闕典也宏治戊申縣尹王公鑾貳尹梁君時欽判簿程君文政泣政之餘病是書之缺禮聘鄉貢進士劉君寅儒士戴君罔任纂修之責而因謬屬予粗加櫛括迺蒐輯於境內得梧州教授鍾先生仕傑手錄志書一帙蓋先生致仕歸親自纂述欲刊行未果而卒予閱是書雖云登載之詳未能無遺漏也且又未經刊梓繼以筆削者多志尙不一以故繁簡失宜先後失次因而散逸者又多焉予三人重閱傳記旁采見聞因略以致詳推舊而爲新門分類別詮次成編凡爲卷有八爲目有五十焉其縣治沿革之由學校開創之盛貢賦物產之宜人材宦蹟之著以至風俗之淳厚節義之昭明詩文之富麗庶乎一覽而畢見上可以裨聖化之隆下可以惇民彝之善豈徒資檢閱而已哉書成王公命工鐫梓以傳俾予述其概於末後之人或有考焉亦可免於文獻不徵之懼矣昔吳范石湖作志郡士咸薦所聞始得成書則斯志也予之有賴於鍾先生者豈少也耶

隆慶六年縣志序

明邑令黃一龍晉江人

古者國必有史史氏皆世其家其權專其職重其是非臧否進退予奪皆得以循天之制成已之直而其所筆削亦足以信於天下漢興司馬遷蒐輯史記有本紀世家書表列傳紀載軒轅氏以來之事而史體始爲之一變後之言修志者宗之然嘗觀史記所陳上下貫穿極詳且備至於吏治之循酷獨惓惓焉爲之傳以論著其始末其間叙道德法令之效應灼然不爽得非以史者民之師帥其治行之得失固世道之所由以污隆耶潮陽舊有志歲久而湮自予初入潮時卽有修輯之議會海氛爲梗武略方殷未暇及也不踰時而樓船奏績諸有志藝文之士稍稍復其故業予因以狀聞諸當道皆報可迺移檄學官及所屬守禦司場諸職事令其悉稽故實以備參覈下逮里胥耆舊各指陳其鄉土興衰聚散以及陵谷險夷變遷之故於是禮請督學石洲林先生總其事先生幸不以爲迂慨然任之蓋惜紀載之闕陋亦其素心也開局於邑之別署仍以邑弟子員蕭生端漸陳生達衢林生大達陳生由衷林生靈芝董分校之役越五月而稿成分門別彙總凡若干卷首著圖經分野形勝係焉爲紀二

爲表三爲志五爲傳六十有一而終之文辭上下三千載間搜輯靡遺其體裁略做古編年之法自成一家人類時作其遺詞平易易知無佞屈聱牙之態而意自雋永其間所爲論著尤根極理要參酌時宜可以證今垂後匪徒事勦襲爲紙牘之空言已也顧予於吏治所在獨深有所感焉夫長吏奉天子明命泣此邦而鎮撫其民一方之升降係之矣吏而賢也則政事修舉民物康阜賢才衆而風俗厚即山川且爲之改觀易嚮而禮樂文章之屬次第而登於理無難也一不得其人則民方疾視之不暇而何職事之能稱哉是予之所爲感者也今予檄修志而志成矣凡吏茲土者姓名爵里靡不筆載其賢與否可指而悉數也予之名忝列諸縉紳之後後之閱是志者得無指以爲言如今之視昔者乎一不當於人心將交謫而罪之無所復辭是又予之所大懼而不能自己者史稱奉職循理可以爲治而黎民乂安在此不在彼蓋循酷之途殊而道法之制異也予方惴惴然求奉職循理之未能得是志而閱之是非臧否典型具在庶乎觀省之有助而懼或可以少釋矣若曰無關於治理而特爲此以備典籍是豈特區區修輯之本意而亦非石洲先生所以存文獻而憂桑梓之義也於是乎書

康熙二十六年縣志序

國朝邑令 臧憲祖 廣甯人

聖天子大一統湛恩遐布東漸西被訖於無外凡親上親下之倫莫不欣榮條暢遂其生成而鼓舞於大化之中是以類族以辨物因質以披文考禹貢之書綜周官周禮之所紀載做之史掌邦國四方之義斯志之所爲作也夫以覆載之廣博縷而析之及於郡以省郡之森列縷而析之至於邑而邑之有志行且統乎郡上乎省備十五國之風以供採擇焉則彈丸下邑於志之所係洵非輕而修之誠非易易也余以康熙壬戌承乏茲邑見其土純而自好民樸而能勤風物山川清麗而秀爰撫今思昔其肇邑之久遠原隰之高下物產之盈虛人材之盛衰以至忠孝節義騷人逸士之鍾生欲爲按籍以稽而舊志則修自故明隆慶壬申之歲披覽之下雖得觀其大概而至今百有餘年其間滄桑既變矣海氛屢騰矣土俗民風不異昔否人材物產不異昔否闕焉無考深用惆悵今上御極之二十有三年

諭廷臣圖山川修一統志以獻遐陬僻壤聽風聲豈潮陽濱海而不敬修成書以仰副

聖天子求治若渴之至意乎雖然玉卮無當雖寶非貴華言失實雖麗亦輕董其事者正不可不其難其慎也今

潮陽縣志

卷首 舊序

四

爲按舊乘述遺文合之父老所傳聞名人所筆載博採旁咨刪繁徵信分門析類據事直書幾閱月而告成敢曰鼓吹休隆亦聊以備統乎郡上乎省列十五國之風以供

聖天子之採擇而海隅日出永鼓舞於大化之中無窮已也始於康熙丙寅仲冬竣於丁卯孟夏編輯者孝廉蕭君綸錫鄭君振藻明經姚君喜臣吳君紹宗也校訂者諸生林子映日陳子長民蕭子金聲也是爲序

嘉慶二十四年縣志序

國朝邑令 唐文藻 新建人

邑之有志猶國之有史體製不同而徵實考信則一春秋編年紀事法律謹嚴而一字褒貶有華袞鈇鉞之異其所以啓百代之史學者不綦大哉其大致在正人心厚風俗以示懲勸而已余學識陋陋茹古不深所識前言往行管窺蠡測而莫能考覈精詳綜貫條理則欲援古証今仿效前賢是猶以莛撞鐘而莫由發其聲也然余三莅棉陽其風土民情殆知之稔矣政事之暇流覽前志自康熙丁卯纂修後百有餘年舊板剝蝕字跡漸滅幾不可尋繹而其中之典章文物雲蒸霞蔚莫可殫述民情亦甚樸茂可喜而後歎韓公之教之入人深也海濱鄒魯不洵然乎迄今去古遠民生日繁其醜良者固多而愚頑者亦不少欲化愚頑以歸於醇良非取邑之孝友廉節而表彰之其何以使之知所向慕知所愧勵欣欣焉日遷善而不自知也哉夫植物不培其根則枝葉不盛人生不厚其性則情致不篤有以啓發之而後至性出而後天機達天機達而後發乎事業暢於言動莫不循其義理之所當然而尊君親上孝友睦婣相因而至此自然之理也乙亥春余集諸賢士輯修邑志並擇端方有才能者旁搜遠覽顯微闡幽凡一切有關風教裨益地方者莫不羅而致之以備記載然必徵求實詣不至以浮誇貽譏毛西河謂天下三不足信志其一也豈其盡然歟是故首重孝弟而民知人倫矣表揚貞節而民修惟薄矣興廉讓舉義行而民知所取予矣且通考人物以昭其盛也博覽文藝以董其學也紀載名勝以大其觀也典章禮樂祀事孔明山川扼要守望相助而後可漸期於移風易俗還樸歸淳其所以鼓盪斯民以共臻於上理者又非特以備典故矜該博已也我

國家化行俗美民物咸熙固足比隆三代而守土者與有訓養斯民之責敢辭固陋而不以正人心厚風俗爲急務哉

案是時探輯及分纂職名相傳爲江西舉人杜煒邑人來賓令鄭世蘭舉人馬韶華洪邁
春姚鴻禧陳德楷恩貢林喬歲貢王錫章鄭重璧諸生陳敏捷蕭山鄭廷楫歐陽賦云

重修潮陽縣志職名

監修

優

同知銜潮陽縣知縣新授欽州知州周恆重

總纂

知府銜陝西補用同知直隸州舉人張其翮

分纂

翰林院庶吉士鄭邦任

內閣中書銜前任羅定州學正舉人王大勳

內閣中書銜前任翁源縣訓導舉人黃庭經

內閣中書銜前任瓊州府訓導歲貢生鄭錫三

六品銜應升訓導增貢生鄭蘭棻

恩貢生趙鵬翼

就職訓導歲貢生姚廷標

編次

潮陽縣教諭舉人梁國士

內閣中書銜潮陽縣訓導舉人吳爾康

孝廉方正陳炳然

分纂兼編次鄭安淮

就職教諭拔貢生

分校兼掌膳錄生陳鍾麒

附

潮陽縣志

卷一

職名

—

增

生蕭雲龍

附生鄭安清

收掌

五品銜潮陽縣縣丞白春海

採訪

招甯司巡檢李維誥

門關司巡檢周錡

吉安司巡檢阮象崙

恩貢生黃夢華

恩貢生陳樹榮

歲貢生吳樹實

貢生姚廷材

候委訓導增貢生周禧

附貢士生鄭植

附貢生余為基

附生姚煜

附生高光明

附生鄭錫光

附生吳洪治

附生林士翰

附

繪圖兼採訪

生陳衍湫
生鄭昌國

附

生蕭樹人

重修潮陽縣志目錄

首冊

寺觀 附育嬰堂養濟院癩民所義阡所

凡例

卷九

賦役 戶口田賦科則屯田耗羨附經費倉儲
解放兵米海關禁例鹽法驛傳

卷一 輿圖

附晷度氣候颶風

卷十

附險隘

卷二 星野

附形勢沿革

卷十一

兵防

卷三 疆域

附署廨坊巷井泉溝渠

卷十二

風俗

卷四 城池

附墟市津梁水利隄防

卷十三

物產 附災祥雜錄

卷五 鄉都

附古蹟潮汐瑩臺

卷十四

紀事

卷六 山川

訓典位次祀期祭器祭品儀注樂器廟制

卷十五

選舉 附仕宦封贈恩蔭旌義

學校

學額 學田 附名宦祠 鄉賢祠 忠義孝弟祠 節孝祠

坊表鄉飲酒禮書院義學社學

卷十六

宦績列傳 附僑寓

卷七 壇廟

卷十七

人物列傳 名臣忠義循吏儒林文苑武功孝友
義行耆德隱逸附傳壽民

卷八

潮陽縣志

卷一 目錄

卷十八 方技列傳 附仙釋

卷十九 列女傳 附貞節略 壽婦

卷二十 藝文上 奏疏 狀文 書序 說論 辯碑 銘跋

卷二十一 藝文中 記

卷二十二 藝文下 賦詩 附藝文略

凡例

- 一 考據以廣東阮志爲則故徵引書目阮志爲多其間有見之別書者亦備採而標所自出
- 一 學校奉頌
- 一 訓典經唐志列入者謹依阮志定式冠諸篇首
- 一 祀典奉
- 一 頌祝文儀注謹照會典通禮通志吾學錄詳校補入
- 一 星野晷度氣候颶風疆域形勢沿革城池署廨坊巷井泉溝渠鄉都墟市津梁水利隄防山川古蹟潮汐瑩墓
- 一 前志有未逮者悉數備載
- 一 祠租院租義學租育嬰租援通志例逐一備書以垂永遠以待擴充
- 一 戶口田賦鹽法各項俱條列原額今額海關則書明禁例以昭
- 一 聖朝寬大之政
- 一 經費兵米疊經奉行裁酌而倉儲亦非復如前必全錄之不敢忘舊制也
- 一 水陸兵防必附以險隘蓋網繆未雨欲使官斯土者披圖冊而關心
- 一 風俗厚薄世代不同藍鹿洲云以此覘官吏牖民之誠否以此覘良莠變化之難易故另爲編次
- 一 紀事創自林志而踵於臧志逮唐志時無有大事可紀今仍續編之從其朔也
- 一 職官選舉不用表前志相沿已久今因之其制舉辟薦分爲二門及
- 一 國朝孝廉方正繫於制舉者則依阮志所定
- 一 仕宦卽林志所謂例貢監者臧志旣標作仕宦其未仕者不宜復載
- 一 宦績列傳有實心實政而爲前志罣漏及敘事未詳者概行採輯卽或未經立傳而一善可紀亦仿潮府周志條例分注於職官名下其附僑寓於宦績後者則以諸賢多以官爲家而過都越國之英又不能強置於守土官之列考諸府志有同符焉

潮陽縣志

卷一 凡例

一


- 一 人物列傳別類分門唐志謂本諸府志便於查閱然其間有儒林義行而入文苑者有循吏而入儒林者有義行而入循吏隱逸者有敘先代義行而入名臣者有爲承平武吏及未爲武吏而入武功者反致掩鄉先達之優長稍爲易位或合敘或分敘或補遺或刪冗庶芳型益彰
- 一 列女傳凡貞烈者慈孝者賢德者悉照前志表揚而新編之貞節略則因事蹟或有未詳僅得其姓氏籍貫書之閨門風化誠有不容湮沒者至附壽婦於其後則以
- 一 熙朝旌表貞壽一體榮施比物此志也
- 一 方技列傳固前志所不載然良醫如陳必勤林有鳳者故老猶能指其師承之自鍼砭之神爰錄之以爲廣醫德慎醫術者勸
- 一 仙釋列傳有誣我昌黎韓公多因正宏集而誤今悉遵
- 一 欽定四庫全書提要暨潮府周志爲定論卽一二施田鑄鐘前志所嘗藉藉爲義行者仍附於寺觀之內示有別也
- 一 藝文必有關政教抑或以地重以人重者始採入間有字跡失傳疑者闕之誤者刊之則猶阮志周志之遺意焉爾

全疆域圖




潮陽縣志

潮陽海防圖



潮陽縣志

海門所圖




四




潮陽縣志



達濠城圖



潮陽縣學宮圖



潮陽縣試舍圖



培元堂文相圖

